




UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**[Marcellvs Miseratione Divina Titvli sancti Marcelli  
sanctæ Romanæ Ecclesiæ Cardinalis Crescentius  
nuncupatus ...]**

**[S.l.], [1545]**

**urn:nbn:de:hbz:466:1-35040**



Th. 1440 a.



17. Act. Capituli C. protholial  
contra duo canones Ludov. 7 Dec. 45

18. Sententia Nuntii ap. pro  
Capitulo V. Decanum.

19. Infirmum duo dno mallijm  
Thoma seu duo Capituli  
ad dno Anthon.



**MARCELLVS MI-  
SERATIONE DIVINA TITVLI**

sancti Marcelli sanctae Romanae Ecclesiae Cardinalis  
Crescentius nuncupatus, causaeq; & causis ac partibus  
infra scriptis a sanctissimo domino nostro Papa Iudex &  
Comissarius specialiter deputatus, uniuersis & singulis

dominis Abbatibus, Prioribus, Praepositis, Decanis, Archidiaconis,  
Scholasticis, Cantoribus, Custodibus, Thesaurarijs, Succetoribus, Sacri-  
stis, Parochialiumq; Ecclesiaru rectoribus seu locatenē. eorundē, Plebanis,  
Viceplebanis, Capellanis, Curatis, Vicarijs, perpetuis altari stis, caeterisq;  
presbyteris, Clericis, Notarijs & tabellionibus publicis quibuscūq; p ciuitate  
& Diocœsim Colonien. ac aliâs ubilibet constitutis, illiq; uel illis, ad quē uel  
ad quos praesentes nostrae literae peruenerint, salutē in domino & praesentibus  
nostris huiusmodi, imō uerius Apostolicis firmiter obedire mandatis. Noue-  
ritis, quod nuper sanctissimus in Christo pater & dominus noster, dominus  
Paulus diuina prouidentia Papa tertius, quandam commissionis suae supplica-  
tionis papyri schedulam nobis per certum suum cursorem praesentari fecit,  
quā nos cum ea qua decuit reuerentia recepimus huiusmodi sub tenore, uidelicet.

**BEATISSIME** pater, quamuis Reuerendissimus dominus Herman-  
nus Archiepiscopus Colonien. pro suo pastoralis officio gregē sibi concredi-  
tum Catholica & orthodoxa doctrina secundum regulam & dogmata Ec-  
clesiastica a sanctis patribus Catholicae & Apostolicae fidei cultoribus ac-  
cepta pascere, & per solos ordinarios Ecclesiarum intra suam Diocœsim con-  
stitutarum rectores & ministros canonice & legitime uocatos, & in com-  
munionē Apostolicae Sedis & Catholicae Ecclesiae existentes & perseue-  
rantes salubriter pasci facere, necnon in administratione sacrosanctorum sa-  
cramentorum a sanctis Apostolis & illorum successoribus ex Christi insti-  
tutione nobis traditorum eam formam & normam, quam ab Apostolica Ec-  
clesia, uelut per manus commēdatam, & haecenus obseruatam accepit, diligen-  
ter obseruare, & a suis Clericis obseruari curare, neq; ab ea, seu etiam Chri-  
stianae Religionis in Ecclesia haecenus usitatis ceremonijs, uelut iueræ piete-  
tis aculeis & retinaculis quauis nouitate recedere, haereticos quoq; schismatis-  
cos ac quosuis alienae uel pollutae communionis Clericos seu a suis Episcopis se-  
gregatos, & praesertim monasteriorum desertores, & apostatas monachos,  
omnesq; alios, qui ulla aut haeresis aut schismatis labe suspicionēue commacula-  
ti uel grauati sunt, a se rerumq; Ecclesiasticarum administratione uelut lupos  
rapaces ab ouili Christi procul repellere, eosq; ne alienas insiliret Parochias,  
locaq; uaria pia infestaret, ac ordinarijs rectoribus & pastoribus ullā mole-  
stiam inferret, modis omnibus prohibere, suaq; uigilanti inspectioe ac custodia  
A haere

hæresum & schismatum semina tollere, ac pericula quæcumq; subinde emergentia totis uiribus submouere, populoq; à Deo & sancta Sede Apostolica, per quam in partē sollicitudinis assumptus est, suæ curæ commissio pastorali uigilantia debite uerbo pariter & exemplo præesse deberet ac teneretur. Nihilominus tamē idem dominus Hermannus Archiepiscopus Coloniensis initio quendam Martinum Bucerum, monasticæ professionis desertorē, incestisq; impijs etiam iteratō pollutum, Lutheranaeq; doctrinæ coryphæum, ac nonnullos alios improbatos & schismaticos homines ac concionatores cum eodē conspirantes in suam Diocœsim succedaneo interuallo acciuit, seu etiam eosdē sua priuata auctoritate contra Capituli & Cleri suorum utilitatē, ipsorum pijs & obsequiosis admonitionibus & deprecationibus spretis, in pluribus suæ Diocœsis oppidis & locis prædicationi uerbi seu concionibus præfecit, præbita etiam eisdē licentia uel occasione alienas Ecclesias seu Parochias in iniuriam uerorum pastorum eo prætextu insiliēdi, eorumq; ordinaria officia præoccupandi & inturbandi. Quo factum est, ut schismatici illi prædicantes, quos Reuerēdissimus dominus Archiepiscopus inuexit ad illius suæ obtensæ Reformationis præscriptum librum, quem edi, uendi, publicariq; mandauit, atq; etiam sæpe deterius & seditiosius sua improbata & damnata dogmata ubiuis spargere summo conatu annuntuntur, ueris & legitimis pastoribus & animarum curatoribus illis cedere iussis, adeo etiam, ut sectarijs illis sacramentorum administrationem in eorum Ecclesijs exercere permittere sint coacti. Non quidem ad Ecclesiasticam & Catholicam formam, sed nouo planē & schismatico more, in Germanica etiam lingua, & quæ admodum eisdem prædicantibus uidetur, non sine ueterum solennium precum abrogatione, piarumq; à temporibus Apostolorum in Ecclesia Dei ad sacramentorum exhibitionem usitatarum ceremoniarum, necnon à tot seculis uniformiter obseruatæ Missæ & sacri canonis nefaria abolitione, haud præter multorum infirmorum scandalum & corruptionem. Cumq; hæc & his similia sanctitatis uestræ deuoti oratores, Prælati, Canonici & Capitula, ac tam Maioris quàm Collegiatarum, Parochialiumq; & aliarum Ecclesiarum, necnon Abbates, Abbatissæ, Conuentus, aliæq; religiosæ utriusq; sexus Monasteriorum & aliorum piorum locorum personæ, totusq; tam primarius quàm secundarius & uniuersalis Clerus, ac præterea Rector & Regentes almæ Vniuersitatis Studij generalis ciuitatis Coloniæ in Christianæ fidei ac Catholicæ & orthodoxæ Religionis hætenus obseruatæ diminutionem ac euerisionem uergere uiderent & cognoscerent, & ne hæc suum ulteriorem progressum augmentumq; susciperent, prouidere, ac pro sua uirili obuiare uolentes, oportunaq; remedia adhibere satagentes, à præmissis omnibus & singulis, alijsq; in appellatiōe desuper confecta latius cōtentis, ad eandē sanctitatē uestram, sanctaq; Sedem Apostolicam, nedum pro se, uerum etiam huic appellatiōi adherentibus ac in futu

rum

rum adherere uolentibus coram Reuerēdo patre & illustrissimo principe &  
domino, Georgio ex ducibus Brunswicen. & Lunenburgen. ac præfatæ Colo-  
niensis Ecclesiæ Præposito, necnon dictæ Vniuersitatis studij generalis Colo-  
niens. summo Cancellario, tanquam persona in Ecclesiastica dignitate cõstituta,  
ac Notario & testibus prouocauerunt & appellarunt, prout in eadem ap-  
pellatione fusius cõtinetur. Verum pater sancte, cum præmissa omnia maximi  
sint momenti & cõsiderationis, agaturq; de sacrosanctæ fidei Christianæ, Ca-  
tholicæq; ac ueræ prisçæ Religionis, piarumq; ceremoniarum læsione & sub-  
uersione, necnon animarum plurimarũ salutis detrimento, quibus uel in primis  
sanctitatis uestræ, apud quam est uniuersalis Ecclesiæ, sancto Petro Apo-  
stolorũ princepi specialiter cõmissæ præcipua cura & sollicitudo, summæq; po-  
restatis plenitudo, auctoritate uenit obuiandũ, incumbatq; ipsius maximo pa-  
storali officio, ut errata, præsumpta & attentata hæc e medio tollatur & era-  
dicentur, Prælati, Canonicis, Capitulis, Abbatibus, Abbatissis, Comen-  
tibus, personis Ecclesiasticis ac primario & secundario uniuersaliq; Clero,  
necnon Reclori totiq; Vniuersitati studij generalis ciuitatis Colonien-  
toribus præfatæ, necnon appellationi huiusmodi actu adherentibus, atq; in fu-  
turum adhæsuris, ne in his præmissis ac in appellationis huiusmodi instrumē-  
to contentis, similibusq; grauaminibus, tam illatis quàm aliquando inferendis,  
ampliorem uim atq; oppressionem patiatur, Apostolica prouidentia succurra-  
tur. Ac ne mora longior, ingēs maiusq; periculũ adferat. Dignetur igitur ea-  
dem sanctitas uestra causam & causas appellationis huiusmodi, ac aliarũ qua-  
rumcunq; in hoc negotio quomodolibet interpositarum ac interponendarũ, qua-  
rum omnium tenores, ac si de uerbo ad uerbũ præsentibus insereretur, pro latissi-  
mè expressis habere placeat, necnõ nullitatum & inualiditatũ, molestationũ,  
uexationum, perturbationũ, impedimentorũ, aliorumq; omnium & singulorum  
præmissorum in eadem appellatione contentorum, ac in actis causæ & causa-  
rum huiusmodi latius deducendorum, attentatorumq; & innouatorũ quorum-  
cunq; alicui ex Reuerendissimis patribus dominis sacrosanctæ Romanæ Ec-  
clesiæ Cardinalibus, etiã summarie, &c. prout in processibus beneficialibus,  
&c. committere & mandare, cum omnibus & singulis suis incidētibus, depen-  
dentibus, emergentibus, annexis & cõnexis audiendas, cognoscendas ac eidem  
sanctitati uestræ pro diffinitiuâ sententia in suo sacrosancto & Reueren-  
dissimorũ patrum dominorũ eiusdem S. Romanæ Ecclesiæ Cardinalium con-  
sistorio, ac de eorundem consilio promulganda referendas, cum potestate di-  
ctum Hermannum Archiepiscopũ ac illi in præmissis fautores, complices &  
adherentes quoscunq; ac in decreto aut executione citationis aliarumq; litera-  
rum præsentium uigore ad partes decernendarum nominandos in Romana Cur-  
ria, extra eam & in partibus, etiã per edictum publicum, constituto summarie  
& extraiudicialitèr de non tuto accessu, aut potius ad euitandum metus, peris-  
cula,

A ij cula,

cula & discrimina, quæ interuenire possent, parcendumq; incommoditatibus ac laboribus & impēsis, in Maioris Ecclesie ac aula Archiepiscopalis Coloniensis ualuis tempore diuinorum officiorum affigendum & publicandum, quod ita de Apostolica potestatis plenitudine decernere placeat, citandi, necnon domino Archiepiscopo, fautoribus, complicibus & adherentibus, alijsq; supradictis, à quibuscūq; quacunq; etiam Archiepiscopali, & alia quacūq; Ecclesiastica & seculari, etiā principali dignitate præfulgētibus, & præsertim Comitibus, Baronibus, Nobilibus, Militibus, Clientibus, Præfatis, Præsidibus, Iudicibus, Scultetis, Burginagistris, Consulibus & Scabinis, Metropolitanisq; ciuitatis & oppidorum, uillarum, terrarum, & quorumuis aliorum locorum communitatibus, singularibusq; personis, ac cæteris quibuscunq; intra prædictam Diocesim & prouinciam Coloniens. constitutis, seu dictæ Ecclesie Coloniensi quouis modo subiectis, cuiuscunq; status, gradus & conditionis fuerint, ac quibuscūq; alijs, ne in appellatiōis ac litispendentiæ huiusmodi præiudicium aut aliās quomodolibet, quouis quæsito colore, ingenio uel practica, directe uel indirecte contra Prælatos, Canonicos & Capitula, Abbates, Conuentus & Collegia, personasq; Ecclesiasticas, totumq; tam primarium quàm secundarium & uniuersalem Clerum, Rectorem & Regētes Vniuersitatis studij generalis ciuitatis Coloniensis prædictæ, oratores præfatos eorumq; adherentes & adhæsuros, fautores, defensores & inserviētes, eorumq; omnium subditos, uasallos & attinentes, quicquam attentēt, innouent uel præsumant, neue etiam præfato Archiepiscopo in eiusmodi actibus & præsumptionibus iure diuino & humano prohibitis & damnatis, eiusq; in ea parte iussis & mandatis ullam obedientiam in Catholica Ecclesie iniuriam præstent seu impendant, neq; cōmemoratis improbatis & schismaticis concionatoribus seu Lutheranae aliarumue præsentis tempestatis sectarum asseclis & complicibus, illorumue dānatis opinionibus & doctrinis quouis modo attendant seu adhæreant, neq; auctoritate seu iussu dicti domini Archiepiscopi seu aliās per iam dictos pseudoconcionatores alijsue quoscunq; se à Catholica Religionis ueritate & unitate ulla ratione diuelli seu in aliquam nouationem ueteris & ueræ fidei & Religionis nostræ, laudabiliūq; ceremoniarū & cultus diuini in Catholica Ecclesia hætenus usitati quouis modo promoueri, trahi, cogi, talisue nouationes apud se inuechi & introducti sināt, quin potius attentata seu innouata quæcunq; protinus tollant, & in irritum reuocent & deducant sub anathematis ac censurarum Ecclesiasticarum pœnis, necnon priuationis dignitatum etiam Archiepiscopaliū, Episcopaliū, prælaturarum, ac quarumcunq; dignitatum & officiorū, aliorumq; beneficiorum Ecclesiasticorum, ac etiam annuarum pensionum super quibuscunq; fructibus, redditibus, prouentibus & emolumentis Ecclesiasticis quomodolibet, etiam auctoritate Apostolica qualitercunq; assignatarum, cōstitutarum &

refer

reſeruarum. Iurium quoq; indultorum, priuilegiorum, omniumq; & ſingulo-  
rum bonorum, etiam feudorum Eccleſiaſticorum, necnon inhabilitatis ad quaſ-  
cunq; dignitates beneficiaq; Eccleſiaſtica, ut præfertur, ac etiam qualiter cuiq;  
qualificata eo ipſo data contrauentione & inobedientia pœnis incurrendis ſi-  
mili excommunicatiõis forma inhiſcendi, & in euentum non paritionis, inobe-  
dientia aut cõtrauentionis, etiã abſq; alia ſuper his E. ſanctitatis ueſtræ præ-  
dictæ faciendæ relatione, præfatum dominum Hermannũ Archiepiſcopum,  
complices, adhærentes, fautores, ac contradictores, rebelles & inobedientes,  
ſententias, cenſuras ac pœnas prædictas in dicta inhiſcitione contentas damna-  
biliter incidiffe & incurriſſe declarandi, aggravandi, reaggrauandi, interd-  
ictum Eccleſiaſticũ apponendi, auxiliũq; brachij ſecularis inuocandi, omniaq;  
alia & ſingula in præmiſſis & circa ea neceſſaria & oportuna faciẽdi, dice-  
di, gerendi & exercendi, ac etiam exequẽdi. Conſtitutionibus & ordinationi-  
bus Apoſtolicis, ſtilo Curia, quodq; cauſa ſeu cauſæ huiusmodi non ſint for-  
ſan ad eandem Curiam legitime deuolutæ, aut in eadem tractandæ & finiendæ,  
cæterisq; in contrarium facientibus non obſtantibus quibuſcunq;, ſtatim  
& merita præmiſſorum ac omnium & ſingulorum in dicta appellatiõẽ conten-  
torum, ac in præmiſſis & circa ea quomodolibet etiam neceſſario exprimen-  
dorum, tenores pro plenè & ſufficienter expreſſis habentes. In fine uero dictæ  
commiſſionis binæ erant appoſitæ ſignaturæ, quarum prior talis erat, uideli-  
cet, de mandato domini noſtri Papæ: *Audiat Reuerendiſſimus dominus  
Cardinalis Creſcentius, citet, inhiſceat etiam ſub cenſuris & pœnis & per  
edictum conſtituto ſummarie, &c. de non tuto acceſſu & aut aliàs procedat ſum-  
marie, &c. referat, ut petitur, declaret, aggravet, etiam cum inuocatione ſi  
& prout de iure. Poſterior uero talis erat, uidelicet, Placet.* **A. POST  
CVIVS QUIDEM** commiſſiõis ſiue ſupplicatiõis ſchedulæ præſen-  
tationẽ & receptionẽ nobis & per nos, ut præmittitur, factas, fuimus pro par-  
te Reuerendorũ patrum dominorũ Prælatorũ, Canonicoꝝ & Capituloꝝ,  
ac tam Maioris quàm Collegiatarum, Parochialiumq; & aliarum Eccleſia-  
rum, necnõ Abbatum, Abbatiaſarum, Conuentuum, aliarumq; religioſarum  
utriuſq; ſexus Monaſteriorum, & aliorum piorum locorum, perſonarum, to-  
tiusq; tam primarij quàm ſecundarij & uniuerſalis Cleri, necnon Recloris ac  
Regentũ almae Vniuerſitatis Studij generalis ciuitatis Coloniensis principa-  
lium, & aliorum litiſconſortium principalium in eadem præinſerta nobis fa-  
cta & præſentata commiſſione principaliter nominatorum debita cum inſtan-  
tia requiſiti, quatenus ſibi ipſis citationem legitimam unã cum inhiſcitione ſub  
cenſuris & alijs pœnis in dicta commiſſione præinſerta comprehenſis inſerta,  
extra Romanam Curiam & ad partes, contra & aduerſus Reuerendiſſi-  
mum dominum, dominum Hermannum Archiepiſcopum Coloniensem ex ad-  
uerſo principalem, in eadem præinſerta nobis facta & præſentata cõmiſſione

A iij exad.

ex aduerso principaliter nominatum, ac illi in præmissis omnibus in dicta commissione expressis fautores, complices & adherentes quoscunq; omnesq; alios & singulos sua communiter uel diuisim interesse putantes, & in executione huiusmodi citationis nominandos iuxta & secundum dicta nobis facta & præsentata commissionis uim, formam & tenorem in forma solita & consueta discernere & concedere dignaremur. Nos igitur Marcellus Cardinalis, Iudex & Commissarius præfatus, attendentes requisitionem huiusmodi fore iustam & consonam rationi, uolentesq; in causa & causis huiusmodi, ac inter partes in dicta commissione contentas rite & legitime procedere, ac partibus ipsis dante domino iustitiam ministrare, ut tenemur, idcirco auctoritate Apostolica nobis commissa & qua fungimur in hac parte, uos omnes & singulos supradictos & uestrum quemlibet in solidum tenore præsentium requirimus & monemus primo, secundo, tertio & peremptorie, uobisq; nihilominus & uestrum cuiuslibet in uirtute sanctæ obedientiæ, & sub excommunicationis pœna, quam in uos & uestrum quemlibet canonica monitione præmissa, si ea quæ uobis in hac parte committimus & mandamus, neglexeritis seu distuleritis contumaciter adimplere, ferimus in his scriptis, districtè præcipiendo mandantes, quatenus infra sex dierum spatium post præsentationem seu notificationem præsentium uobis seu alteri uestrum factas: & postquam pro parte præmemoratorum Reuerendorum dominorum Canonicorum, Capitulorum & aliorum litis consortiũ in dicta commissione principaliter nominatorum principalium super hoc fueritis requisiti seu alter uestrum fuerit requisitus, immediate sequentiũ, quorum sex dierum duos pro primo, duos pro secundo, & reliquos duos dies uobis uniuersis & singulis supradictis & uestrum cuiuslibet pro tertio & peremptorio termino ac monitione canonica assignamus, ita tamen, quod in his exequendis unus uestrum alterum non expectet, nec unus pro alio seu per alium se excuset, præfatum Reuerendissimum dominum Hermannum Archiepiscopum Coloniensem, ac illi in præmissis contentis in præinserta commissione fautores, complices & adherentes ex aduerso principales, omnesq; alios & singulos sua communiter uel diuisim interesse putantes & in executione præsentium nostrarum literarum nominandos, & in eorum proprijs personis, si ipsorum præsentias commodè habere poteritis. Alioqui ipsum dominum Archiepiscopum in Maioris Ecclesiæ ac aulæ Archiepiscopalis Colonienfis ualuis tempore diuinorum officiorum affigendo & publicando, eidem uero Archiepiscopo in præmissis contentis in dicta commissione fautores, complices & adherentes in hospitij habitationum suarum, si ad ea uobis tutus pateat accessus, & Parochiali seu Parochialibus, sub qua uel sub quibus degunt & morantur. Sin autem ipsum Archiepiscopum Coloniensem in Maioris Ecclesiæ Colonienfis ac aulæ Archiepiscopalis Colonienfis ualuis tempore diuinorum officiorum, alios uero eidem Reuerendissimo do-

mino

mino Archiepiscopo fautores, complices & adherentes in dictis Parochialibus seu Parochialibus, sub qua uel sub quibus degunt & morantur, alijsue Ecclesijs & locis publicis, de quibus, ac ubi, dum, quando, & quoties expedierit, infra Missarum & aliarum horarum diuinarum solennia, dum ibidem populi multitudo ad diuina audiendum conuenerit, aut alias legitime congregata fuerit, ex parte nostra, imò uerius Apostolica, alta & intelligibili uoce citare peremptorie curetis, ita tamen, quòd uerisimile sit citationem nostram huiusmodi ad ipsorum citandorum notitiam indubitatam deuenire, ne de præmissis uel infra scriptis ignorantiam aliquam ostendere ualeant seu quomodolibet allegare. Quos nos etiam & eorum quemlibet tenore præsentium sic citamus, quatenus sexagesima die post citationem nostram per uos seu alterum uestrum eis factam immediate sequente, si dies ipsa sexagesima Iuridica fuerit, & nos uel forsàn loco nostri surrogandus Reuerendissimus Iudex & Commissarius ad iura reddendum & causas audiendum pro tribunali sederimus uel sederit. Alioqui proxima die Iuridica immediate sequente, qua nos uel dictum Reuerendissimum Iudicem & Commissarium surrogandum, Romæ, uel alibi, ubi tunc dominus noster Papa cum sua Romana Curia residebit, in ædibus nostræ habitationis hora uesperorum & audientia causarum consueta, ad iura reddendum & causas audiendum pro tribunali sedere contigerit: compareant legitime coram nobis uel dicto Reuerendissimo domino Cardinali Iudice & Commissario surrogando per se uel procuratorem seu procuratores suos, idoneum seu idoneos ad causam & causas huiusmodi sufficienter instructos, cum omnibus & singulis actis, actitatis, literis, scripturis, Instrumentis, processibus, priuilegijs, alijsq; iuribus & munimentis causam & causas huiusmodi tangentibus, seu eam uel eas quomodolibet concernentibus, præfatis Reuerendis dominis Prælati, Canonicis, Capitulis & cæteris liti consortibus principalibus, in præinserta commissione specialiter expressis, seu eorum legitimo procuratori seu procuratoribus de & super omnibus & singulis in supra dicta nobis facta & præsentata commissione contentis de iustitia responsuri, ac in causa & causis huiusmodi ad omnes & singulos actus & terminos gradatim & successiue, etiam usq; ad diffinitiuam sententiam inclusiue debitæ & consuetis terminis & dilationibus præcedentibus, ut moris est, processuri & procedi uisuri, aliasq; dicturi, facturi, allegaturi, audituri & recepturi, quod iustum fuerit, & ordo dictauerit rationis. Certificantes nihilominus eosdem sic citatos, quòd siue in dicto citationis termino, ut præmissum est, comparere curauerint siue non, nos nihilominus, aut Reuerendissimus dominus Cardinalis, Iudex & Commissarius surrogandus præfatus ad partis comparentis & causam seu causas huiusmodi prosequi curantis instantiam ad præmissa omnia & singula, ac alias, prout iustum fuerit, procedemus seu procedet, dictorum citatorum contumacia seu absentia in aliquo non obstante.

A iij ET

**ET INSVPER** attendentes, quod lite & causa seu causis huiusmodi sic, ut præmittitur, coram nobis in Romana Curia indecise pendētibus, nihil sit in partibus per quemcunq; innouandū & attentandū, idcirco uobis omnibus & singulis supradictis, quibus præsentis nostræ literæ diriguntur, & cuilibet uestrum auctoritate Apostolica supradicta per similem modū executionis in locis ac modo & forma præmissis legendum, exequendum & affigendum tenore præsentium committimus & mandamus, quatenus post legitimam dictæ citationis executionem Reuerendissimo domino Hermanno Archiepiscopo Coloniensi, exaduerso principali, ac illi in præmissis expressè in præinserta commissione contentis, fautoribus, cōplicibus & adherentibus, ac quibuscunq; etiam Archiepiscopali, Episcopali, & alia quacunq;, & seculari etiam principali dignitate præfulgentibus, & præsertim Comitibus, Baronibus, nobiles, militibus, clientibus, præfectis, præsidentibus, Iudicibus, Scultetis, Burgimagistris, Consulibus & Scabinis, Metropolitanæ ciuitatis Coloniensis & oppidorum, uillarum, terrarum, & quorumuis aliorum locorum communitatibus, singularibusq; personis, ac cæteris quibuscunq; intra prædictam Diocœsim & prouinciã Coloniensem constitutis, seu dictæ Ecclesiæ Coloniensi quouis modo subiectis, cuiuscunq; status, gradus et conditionis fuerint, & quibuscunq; alijs supradictis, de quibus pro parte antedictorum Reuerendorum dominorum Prælatorum, Canonicorum, Capitulorum, & cæterorum principalium in præinserta commissione principaliter nominatorum, uigore præsentium fueritis requisiti seu alter uestrum fuerit requisitus, sub anathematis ac censurarum Ecclesiasticarum pœnis, necnon priuationis dignitatum, etiam Archiepiscopalium, Episcopaliū, Prælaturarū, ac quarumcunq; dignitatum & officiorum, aliorumq; beneficiorum Ecclesiasticorum, ac etiam annuarum pensionum super quibuslibet fructibus, redditibus, prouentibus & emolumentis, quomodolibet etiam auctoritate Apostolica qualitercunq; assignatarum, constitutarum & reseruarum. Iurium quoque, indultorum, priuilegiorum, omniumq; & singulorum bonorum, etiam feudorum Ecclesiasticorum, necnon inhabilitatis ad quasunque dignitates beneficiaq; Ecclesiastica, ut præfertur, etiam qualitercunq; qualificata eo ipso data contra uentione & inobedientia pœnis, quas ferimus in his scriptis, quasq; quemlibet huiusmodi nostræ inhibitioni contrauenientem incurrere uolumus ipso facto inhibeat. Quibus etiam & eorum cuilibet tenore præsentium sub eisdem anathematis Ecclesiasticisq; sententijs, censuris & alijs pœnis prædictis inhibemus, ne in appellationis ac litispendentiæ huiusmodi præiudicium, aut aliàs quomodolibet, quouis quæsito colore, ingenio uel practica, directè uel indirectè contra dictos Reuerendos dominos, Prælatos & Capitula, ac Abbates, Conuentus & Collegia, personasq; Ecclesiasticas, totumq; tam primarium quam secundarium & uniuersalem Clerum, Re-

ctoremq;

Doctores & Regentes Vniuersitatis studij generalis ciuitatis Colonienſis  
prædictos principales, eorumq; adhaerentes & adhaerens, fautores, defenſo  
res & inferuientes, eorumq; omnium ſubditos, uasallos & attinentes, quicquam  
attentent, innouent uel præſumant, neue etiam præſato Reuerendiſſimo  
Archiepiſcopo in eiusdem actibus & præſumptionibus iure diuino & hu  
mano prohibitis & damnatis, eiusq; in ea parte iuſſis & mandatis ulla obedi  
entiam in Catholica Eccleſia iniuriam præſtent ſeu impendant, neq; comme  
moratis improbatis & ſchiſmaticis concionatoribus ſeu Lutheranæ, alia  
rumue præſentis tempeſtatis ſectarum aſſectis & complicibus, illorumue da  
mnatis opinionibus & doctrinis quouis modo attendant ſeu adhaereant, neque  
auctoritate ſeu iuſſu dicti Reuerendiſſimi domini Archiepiſcopi, ſeu alias per  
iam pseudoconcionatores prædictos aliosue quoscuq; ſe a Catholica Reli  
gionis ueritate & unitate ulla ratione diuelli, ſeu in aliquam nouationem uete  
ris & ueræ fidei & Religionis noſtræ, laudabiliumq; ceremoniarum & cul  
tus diuini in Catholica Eccleſia hæcenus uſitati, quouis modo promoueri, tra  
hi, cogi, talesue nouationes apud ſe inuehi & introduci ſinant, quod ſi ſecus fa  
ctum fuerit, id totum reuocare, & in ſtatum priſtinum reducere, ac ad dictarum  
anathematis ac cenſurarum Eccleſiaſticarum & aliarum præmemoratarum  
pœnarum declarationem, earumq; aggrauationem, re-aggrauationem, interdicit  
Eccleſiaſtici appoſitionem, ac auxiliij brachij ſecularis inuocationem pro  
cedere curabimus iuſtitia mediante. **LOCA** uero Eccleſiæ Maioris ac  
aulæ Archiepiſcopalis Colonienſis prædictarum tanquam publica & ido  
nea pro præſentibus noſtris literis exequendis duximus eligenda, quæ huiusmo  
di noſtras citationem & inhibitionem tempore diuinorum officiorum publi  
cabunt. In quibus literas noſtras modo præmiſſo decernimus & decreuimus  
publicandas & affigendas, ne dicti ſic citati & inhibiti ſeu eorum aliquis de  
præmiſſis aut præmiſſorum aliquo ignorantiam aliquam prætereſtere ualeant,  
ſeu etiam quomodolibet allegare, cum non ſit ueriſimile apud ipſos ſic citatos  
& inhibitos remanere incognitum & occultum, quod tam patenter & notorie  
omnibus extitit intimatum & publicatum. Volentesq; nihilominus & auctori  
tate prædicta decernentes, quod præſentes noſtræ literæ ſiue citatio cum inhi  
bitione modo præmiſſo executæ & publicatæ dictos citatos & inhibitos tali  
ter arceant & aſtringant & perinde ualeant, ac ſi omnes & ſinguli in eorum  
proprijs perſonis citati & inhibiti forent, ac ſi eiſdem & eorum cuilibet ci  
tatio & inhibicio huiusmodi perſonaliter lectæ, intimatæ & publicatæ fuiſ  
ſent. **DIEM** uero ſeu dies citationis & inhibitionis ueſtrarum huiusmodi  
atque formam, & quicquid in præmiſſis feceritis, ſeu aliquis ueſtrum duxerit  
faciendum, nobis per ueſtras patentes literas aut Inſtrumentum publicum hæ  
rum ſeriem ſiue designationem in ſe continentes ſiue continens, remiſſis præſen  
tibus quanto citius poteritis, fideliter intimare curetis. *Absolutionem uero*  
omnis


omnium & singulorum, qui præfatam nostram sententiam incurrerint siue incurrerit quoquo modo, nobis uel superioribus nostris tantummodo reseruamus.  
**IN QVORVM** omnium & singulorum fidem & testimonium præmissorum has præsentis literas siue præsens publicum Instrumentum Citationis & Inhibitionis exinde fieri, & per Notarium publicum, nostrumq; & huiusmodi causæ coram nobis scribam infra scriptum subscribi & publicari mandauimus, sigillisq; nostri iussimus & fecimus appensione communiri. Datum & actum Romæ in ædibus nostris sub anno à natiuitate eiusdem domini Millesimo quingentesimo quadragesimo quinto, Indictione tertia, die uero decima octaua mensis Iulij, Pontificatus prælibati sanctissimi domini nostri, domini Pauli, diuina prouidentia Papæ tertij anno undecimo. Præsentibus ibidem discretis uiris dominis Leone de Astorgia & Octauiano de Symoneta Camerarijs nostris, Clericis Bononiens. & Mediolanen. testibus ad præmissa uocatis specialiter atq; rogatis.


Et ego Nicolaus Halot Clericus Tullensis Diocesis, publicus Apostolica auctoritate, ac sacri palatii Apostolici causarum & huiusmodi causæ coram Reuerendissimo & Illustrissimo domino Cardinale Crescentio Iudice & Commissario Notarius, Quia præmissis omnibus unà cum prænominatis testibus præsens interfui, eaq; omnia sic fieri uidi, ac in notam sumpsi, ex quo hoc præsens publicum Instrumentum Citationis & Inhibitionis manu propria scriptum subscripsi & publicauimus, signoq; & nomine meis solitis & consuetis, unà cum prænominati Reuerendissimi domini Iudicis sigilli appensione signaui, in fidem præmissorum rogatus & requisitus.


5

NSIO. 1711










f



E  
189

VI 711  
Th  
1440a